

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

26 Octobre 2018

16 Safar 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor : « *La Foi (Imaan) dans Le Dernier Jour* ».

L'islam enseigne nous ki sak l'âme pou goûte la mort. Après la mort d'ene dimoune, so l'âme pou reste dans ene lé monde différent avec saki pour nous (lors sa la terre là), ki appelle « *Barzakh* » et nous pou reste dans sa transition là ziska le Jour du Jugement (*Qiyaamah*). Sa jour-là, tous dimoune pou réuni par Allah afin ki sakaine rende compte de so bane actions. Ene bon croyant li, li pou alle dans paradis tandi ki ene mauvais serviteur, li, li pou alle dans l'enfer. Croyance dans sa li ene pilier de nous la foi (*Imaan*). Donc, ene croyant bizin faire li ene devoir pou renseigne li lors sa sujet là et pou ena ene croyance, ene conviction ferme lors là.

Mais pour être précis, zot bizin comprend ki sak dimoune pou témoigne so propre Jour du Jugement, et li pou parmi le groupe de so l'époque, au moment de so la mort. Par exemple, dans la vie présent, nous apprend bien souvent ki intel calamité ou ene l'autre fine arriver et fine faire des centaines ou des millions de morts. Alors, pour sa bane dimoune là, c'est zot dernier l'heure lors la terre et

zot pou faire face zot Jugement après ki zot fine passe par le « *Barzakh* » et zot pou conne par la suite zot destination final.

« **Bane infidèles dire : ‘L’heure là (*As-Sa’ah* - la fin du monde) pas pou vine lors nous.’ Dire zot : ‘Mais oui, li sûr pou vine lors ou, par mo Maître.’ » (Saba 34 : 4).**

Bane non-croyants en général, excepter pour bane religions ki à l’origine monothéistes pareil couma Judaïsme et Christianisme, pas croire dans la vie après la mort, dans le Jugement Dernier parski la plupart d’entre zot croire ki zot la vie lors la terre li zot sel la vie et ki la mort pou ene arrêt définitif à zot la vie (lors sa la terre là), tandi ki bane les autres croire dans réincarnation, en d’autres mots, zot croire ki zot pou ressusciter dans bane les corps différents, sois humain ou dans forme zanimal, et ki zot pou ré-vine lors la terre encore et encore, sois tout de suite après zot la mort, ou après des siècles après zot la mort actuel. Sa bane conceptions lors la vie et la mort ki zot ena zot vraiment pas bon du tout. Zot pé fer fausse route lors là.

En tant ki musulmans nous bizin conné, et comprend aussi ki nous la foi (*Imaan*) repose lors six piliers ; nous la foi dans : Allah, So bane anges, So bane Livres, So bane Messagers/ Prophètes, dans le Jour du Jugement Dernier et le Destin - ainsi ki le bien et le mal arriver à travers la connaissance, la loi et la création d’Allah, et la croyance ferme dans la vie après la mort (la Résurrection) kot sakaine d’entre sa bane croyance là li ene vérité ki nous pas capave rénier et disputer lors là.

« **Amantu billahi wa malaikatihi wa kutubihi wa rusulihi wal-yawmil-akhiri wa bil-qadari khayrihi wa sharrihi minallahi taala wal-ba’thu ba’dal-mawti haqqun.** »

Toutefois, dans Quran, deux piliers de nous la foi seulement zot mentionner le plus souvent, spécialement nous la foi dans Allah et nous la foi dans le Jour du Jugement Dernier. Sa pareil pour bane Hadiths kot nous bien-aimé prophète Hazrat Muhammad (saws) faire le plus souvent mention de sa deux piliers là. Allah dire dans Quran Shareef: « **Sa instruction là fine donner à bane parmi ou ki ena la foi en Allah et dans le Dernier jour (*Yawmil Aakhir*). » (Al-Baqara 2 : 233).**

Quant à le Saint Prophète (saws), li fine dire : « *Ki celui ki croire dans Allah et dans le Jour Dernier dire kitchose de bien ou sois li reste tranquille.* » (Bukhari).

D'après sa Hadith là, ene croyant ki ena la foi en Allah et le Dernier Jour bizin distingue li, dans so comportement, vis-à-vis ene non-croyant. Car celui ki ena la foi – kot li conne très bien ki ene jour li pou mort et ki li pou bizin présente li devant la Cour d'Allah et ki li pou alle soit dans paradis ou sois dans l'enfer – alors, ene tel dimoune ki ena la foi, zamais pas pou vivre ene la vie ki interdit pou li. Li pou vive so la vie dans la crainte d'Allah (*Taqwa*) et li pas pou comporte li zamais couma ene non-croyant. Pour ene non-croyant, li assez normal pour li ki li amène so la vie couma li content, même si sa alle à l'encontre de bane l'enseignements de l'Islam. Alors, ene musulman li, li bizin vine ene bon croyant, ene vrai croyant ki agir d'après bane directives divines. Faudé en aucaine cas li vine musulman zis lors la lèvres (que de nom), parski à ce moment là, pas pou ena différence entre li et ene non-croyant. Alors, ene croyant bizin impérativement délaisse tout saki capave faire Allah en colère et faudé li reste dans le cadre de l'Islam afin pou attirer le plaisir d'Allah. Ene bon croyant conner ki ene jour ou l'autre, li pou bizin retourne vers so Créateur pou rendre so compte, et so la crainte d'Allah donne li la force nécessaire pour reste loin de bane interdits.

En vérité, la vie lors la terre li ene épreuve pour le croyant. Li pou être jugé (couma nous tous d'ailleurs) devant Allah pour sakaine de so bane actions avec l'ultime destination le paradis ou l'enfer. Le Jour Dernier, *Qiyaamah* li sa jour kot Allah pou décide de so sort final. Le Jour du Jugement Dernier c'est jour kot l'âme ki pou jugé pou recevoir so récompense en entier. Si li ti bon et ti agir d'après bane commandements divines, li pou recevoir so bon récompense, le plaisir d'Allah et ene place dans So paradis, mais si li ti mauvais et désobéissant envers so Créateur, li pou recevoir le plus mauvais de bane récompenses, ene séjour limité ou éternel dans l'enfer, dépendant de so bane l'intentions et actions.

Le Jour Dernier réfère aussi au jour kot Allah pou anéanti tous bane créatures lors la terre – l'Heure Final pour la terre et tous so bane habitants – et pou ressuscite zot ensuite afin ki zot capave témoigne de la justice d'Allah. D'ailleurs, plusieurs versets Quran évoque la fin du monde.

Allah dire : « **L'Heure là pou bizin arriver, pas ena doute lors là. Mais la plupart dimoune pas croire.** » (Al-Momin 40 : 60).

« Zot demande toi : 'Eski li vrai sa ?' Dire zot : 'Mais oui, mo faire serment avec nom mo Maître, sa li vrai, et ou pas pou capave empêche li arriver. » (Younous 10 : 54).

Ibn Umar (ra) fine dire : Mo fine entendre le Messenger d'Allah (saws) dire : « *Le Jour de la résurrection, ene croyant pou rapproché de so Seigneur (Rab) ziska ki li vine sous So protection, et Li (Allah) pou fer li (sa dimoune là) avouer so bane péchés kot Li pou dire li : « Eski to reconnaite tel et tel péché ? » Li pou réponde : « Oui Seigneur (Mo Rab), mo reconnaite (ki mo fine fer sa) ».* Allah pou dire li alors : « *Mo fine cachiette tous sa (bane péchés) là pou toi lors la terre, et azordi, mo pardonne toi pour tous sa là. »* Alors dimoune là pou gagne so registre de bane bons actions. Par contre, bane mécréants et bane hypocrites pou être appelés devant l'humanité en entier et pou dire : *Voilà bane ki fine menti lors zot Seigneur. Ki malédiction d'Allah tombe lors bane ki fine faire du tort !* » (Bukhari et Muslim).

Croyance dans le Jour du Jugement Dernier, la vie et la mort et nous la case de repos finale, soit Le Paradis et l'Enfer zot liés, parski après nous la mort, nous bizin passe par le Jugement Final d'Allah avant ki nous conne soit jouissance éternel ou la punition éternel, dépendant du degré de nous bane bons et mauvais actions.

Allah dire dans Quran: **« Quant à bane ki ena la foi et ki faire le bien, zot bane meilleure créatures. Zot récompense auprès de zot Maître, c'est bane jardins avec tout confort et avec bane la rivières ki couler au milieu, kot zot pou rester pou toujours. Allah content zot et zot content li. Et tout sa, c'est pou celui ki craindre so Maître. »** (Al-Bayyina 98 : 8-9).

« Nous fine prépare pou bane ki faire du tort ene difé, ki so parois pou entoure zot. Si zot demande de l'eau, pou donne zot ene liquide comme ene métal fondu, ki roti figure. Ki mauvais kitchose pou boire sa ! Et ki mauvais place pou reposer ! » (Al-Kahf 18 : 30).

Ki Allah gagne pitié de nous, pardonne nous, nous bane faiblesses et péchés, et ki Li ouvert pou nous en grand la porte de So plaisir et de So satisfaction dans sa lé monde là et dans la vie futur, ene futur ki parsemé de bane bons actions et de la félicité éternel d'Allah à nous l'égard. *Insha-Allah, Ameen.*